



Guía para a inscrición no procedemento de acceso e admisión nos estudo de grao nas ensinanzas artísticas superiores da Comunidade Autónoma de Galicia

Convocatoria de acceso para o curso 2025/26

RESOLUCIÓN do 7 de abril de 2025, da Dirección Xeral de Formación Profesional, pola que se convocan probas e se ditan instrucións para o acceso e admisión do alumnado nas ensinanzas artísticas superiores da Comunidade Autónoma de Galicia para o curso 2025/26 (DOG núm. 76, do 22 de abril)

PREGUNTAS FRECUENTES

1. Que requisitos debo cumprir para acceder ás ensinanzas artísticas superiores?

- Nas ensinanzas artísticas superiores en xeral:
 - a) Requisito de titulación. Debes posuír un dos seguintes títulos:
 - Título de bacharelato.
 - Título de ensinanzas artísticas superiores.
 - Título universitario.
 - Título de técnico superior.
 - Título declarado equivalente ou homologado aos anteriores títulos.
 - Certificado de ter superado a proba de acceso á universidade para maiores de 25 anos.
 - b) Ter superado a proba específica de acceso.
- Por queda de acceso directo, só nas ensinanzas artísticas superiores de Conservación e Restauración de Bens Culturais e de Deseño:
 - Posuír un título de Técnico Superior de Artes Plásticas e Deseño.

2. Que podo facer se non cumpro o requisito de titulación?

En xeral, as persoas que non cumpran o requisito de titulación indicado na resposta anterior non estará en condicións de concorrer ao proceso de acceso e admisión nas ensinanzas artísticas superiores.

Nesta convocatoria **non existirá unha proba que substitúa o requisito de titulación**, en aplicación da *Lei 1/2024, de 7 de xuño, pola que se regulan as ensinanzas artísticas superiores e se establece a organización e equivalencias das ensinanzas artísticas profesionais*.

Por tanto, se non cumpres o requisito de titulación non poderás participar no procedemento de acceso e admisión nas ensinanzas artísticas superiores, agás nestas dúas situacións:

I. Só para persoas con materias pendentes de revisión no bacharelato:

- ➔ Aquelas persoas que estean pendentes do procedemento de revisión no centro, ou de resolución da dirección territorial da Consellería de Educación, Ciencia, Universidades e Formación Profesional, ao respecto de reclamacións das cualificacións dalgunha materia pendente de bacharelato, poderán inscribirse no procedemento. De permitir o resultado da reclamación á obtención do título de bacharelato, a persoa aspirante poderá optar á



asignación de praza, sempre que supere a proba específica e achegue a documentación acreditativa de ter solicitado o devandito título con anterioridade á adxudicación das prazas na ensinanza artística superior correspondente.

II. Só para ensinanzas artísticas superiores de Música para persoas que manifesten precocidade:

- ➔ As persoas menores de idade a partir de 16 anos -de 16 a 18 anos cumpridos no ano de realización da proba (2025)- poderán facer unha proba na que acrediten que acadaron o desenvolvemento das competencias clave previsto ao finalizar o bacharelato conforme o previsto no capítulo IV do título I da Lei orgánica 2/2006, do 3 de maio, e na normativa de desenvolvemento, segundo o disposto no artigo 7.3 da Lei 1/2024, do 7 de xuño.
- ➔ Recorda que no caso de querer facer esta proba debes facelo constar na túa solicitude de inscrición.

3. Como me inscribo nas probas de acceso?

Debes seguir **tres pasos** para formalizar a túa solicitude de inscrición:

Paso 1. Xerar a solicitude. Debes cubrir o formulario de inscrición a través de <https://www.edu.xunta.gal/eas>, empregando o certificado dixital ou sistema de usuario e clave Chave365 (<https://sede.xunta.gal/chave365>).

* Se non posúes nacionalidade española e non dispós de Documento Nacional de Identidade (DNI) ou Número de Identidade Estranxeiro (NIE) podes acceder ao formulario de inscrición directamente nas secretarías dos centros ou a través da páxina inicial de <https://www.edu.xunta.gal/eas/>.

IMPORTANTE: Esta solicitude de inscrición será única e vinculante para o curso 2025/26, sen posibilidade de modificación unha vez rematado o prazo de inscrición establecido na resolución. É moi importante que sinalas con cautela as túas preferencias para cursar estudos nas ensinanzas artísticas superiores de Deseño e nas ensinanzas artísticas superiores de Música.

Paso 2. Confirmar e imprimir a solicitude. Imprime unha copia da túa solicitude en canto a confirmes na aplicación e asínaa.

IMPORTANTE: Para completar o proceso de inscrición non é suficiente con confirmar a instancia na aplicación informática, debes entregala tamén fisicamente asinada.

Paso 3. Formalizar a solicitude de inscrición. Debes formalizar a inscrición mediante a presentación en prazo desta solicitude asinada, xunto coa documentación requirida para o teu caso, na secretaría do centro onde solicites facer a proba de acceso, agás nestes dous casos:

- Se queres acceder a ensinanzas artísticas superiores de Música debes entregar esta documentación na túa primeira opción para cursar estudos. Recorda que cada especialidade/itinerario será obxecto de proba específica nun conservatorio concreto.
- Se queres acceder por quenda de acceso directo ás ensinanzas artísticas superiores de Conservación e Restauración de Bens Culturais ou ás ensinanzas artísticas superiores de Deseño debes entregar esta documentación na túa primeira opción para cursar estudos.



4. Que prazo teño para facer a miña inscrición?

Desde o día seguinte ao da publicación da resolución da convocatoria de acceso no <i>Diario Oficial de Galicia</i> Desde o día 23 de abril de 2025	Nas ensinanzas artísticas superiores de Arte Dramática: ata o 16 de xuño de 2025
	Nas ensinanzas artísticas superiores de Conservación e Restauración de Bens Culturais: ata o 6 de xuño de 2025
	Nas ensinanzas artísticas superiores de Deseño: ata o 6 de xuño de 2025
	Nas ensinanzas artísticas superiores de Música: ata o 23 de maio de 2025

5. Onde debo presentar a solicitude e a documentación?

En xeral, na secretaría do centro onde solicites facer a proba de acceso.

Con dúas excepcións:	No caso de que queiras acceder ás ensinanzas artísticas superiores de Música formalizarás a túa inscrición no centro que teñas consignado como primeira opción para cursar estudos.
	Se queres optar á quenda de acceso directo nas ensinanzas artísticas superiores de Conservación e Restauración de Bens Culturais ou ensinanzas artísticas superiores de Deseño, debes entregar a documentación na secretaría do centro que teñas consignado como primeira opción para cursar estudos.

6. Que validez temporal ten a proba específica de acceso?

A superación da proba específica faculta só para matricularse no curso académico e especialidade/itinerario para a que foi convocada e realizada.

7. Que debo levar á proba específica de acceso?

Debes levar o teu documento oficial de identidade e unha copia da solicitude de inscrición, ademais do que determine o tribunal en cada caso.

Non esquezas consultar as páxinas web do centro de referencia en cada caso:

- [Escola Superior de Arte Dramática de Galicia](#)
- [Escola Superior de Conservación e Restauración de Bens Culturais](#)
- [EASD Antonio Fálde](#)
- [EASD Mestre Mateo](#)
- [EASD Pablo Picasso](#)
- [EASD Ramón Falcón](#)
- [Conservatorio Superior de Música da Coruña](#)
- [Conservatorio Superior de Música de Vigo](#)

8. Cando e onde se realizarán as probas específicas de acceso para o curso 2025/26?			
Para acceso a ensinanzas artísticas superiores de Arte Dramática	Data: A proba específica comezará a partir do día 7 de xullo de 2025. Lugar: Escola Superior de Arte Dramática de Galicia, rúa de Poza Cabalo, s/n, Vigo		
Para acceso a ensinanzas artísticas superiores de Conservación e Restauración de Bens Culturais	Data: A proba específica será o día 20 de xuño de 2025. Lugar: Escola Superior de Conservación e Restauración de Bens Culturais, rúa do Xeneral Martitegui, s/n, Pontevedra.		
Para acceso a ensinanzas artísticas superiores de Deseño	Data: A proba específica será o día 20 de xuño de 2025. Lugar: Nas catro EASD de Galicia: <ul style="list-style-type: none"> • EASD Antonio Faiñe, Avenida da Universidade, 18- A Cuña, Ourense • EASD Mestre Mateo, Virxe da Cerca, 32, Santiago de Compostela • EASD Pablo Picasso, rúa Pelamios, 2, A Coruña • EASD Ramón Falcón, Paseo dos estudantes, 31, Lugo 		
Para acceso a ensinanzas artísticas superiores de Música	Data: A proba específica será a partir do día 9 de xuño de 2025. Lugar: Nos dous conservatorios superiores de música de Galicia, segundo as especialidades e itinerarios indicados no anexo IV da resolución.		
	<table border="1"> <tr> <td>Conservatorio Superior de Música da Coruña Rúa Manuel Murguía, 44, A Coruña</td> <td> <ul style="list-style-type: none"> • Especialidade de Composición. • Especialidade de Dirección. • Especialidade de Interpretación, nos seguintes itinerarios: Acordeón, Arpa, Corda fretada, Jazz, Piano e Vento metal. • Especialidade de Pedagogía, no itinerario de Pedagogía xeral e da linguaxe musical. </td> </tr> </table>	Conservatorio Superior de Música da Coruña Rúa Manuel Murguía, 44, A Coruña	<ul style="list-style-type: none"> • Especialidade de Composición. • Especialidade de Dirección. • Especialidade de Interpretación, nos seguintes itinerarios: Acordeón, Arpa, Corda fretada, Jazz, Piano e Vento metal. • Especialidade de Pedagogía, no itinerario de Pedagogía xeral e da linguaxe musical.
	Conservatorio Superior de Música da Coruña Rúa Manuel Murguía, 44, A Coruña	<ul style="list-style-type: none"> • Especialidade de Composición. • Especialidade de Dirección. • Especialidade de Interpretación, nos seguintes itinerarios: Acordeón, Arpa, Corda fretada, Jazz, Piano e Vento metal. • Especialidade de Pedagogía, no itinerario de Pedagogía xeral e da linguaxe musical. 	
<table border="1"> <tr> <td>Conservatorio Superior de Música de Vigo Rúa Manuel Olivie, 23, Vigo</td> <td> <ul style="list-style-type: none"> • Especialidade de Interpretación, nos seguintes itinerarios: Canto, Guitarra, Instrumentos da música tradicional e popular de Galicia, Música antiga (clave, viola da gamba, instrumentos de corda pulsada do Renacemento e do Barroco, instrumentos históricos de corda fretada- violín barroco), Percusión e Vento madeira. • Especialidade de Musicoloxía, nos seguintes itinerarios: Etnomusicoloxía e Musicoloxía histórica. • Especialidade de Producción e Xestión. </td> </tr> </table>	Conservatorio Superior de Música de Vigo Rúa Manuel Olivie, 23, Vigo	<ul style="list-style-type: none"> • Especialidade de Interpretación, nos seguintes itinerarios: Canto, Guitarra, Instrumentos da música tradicional e popular de Galicia, Música antiga (clave, viola da gamba, instrumentos de corda pulsada do Renacemento e do Barroco, instrumentos históricos de corda fretada- violín barroco), Percusión e Vento madeira. • Especialidade de Musicoloxía, nos seguintes itinerarios: Etnomusicoloxía e Musicoloxía histórica. • Especialidade de Producción e Xestión. 	
Conservatorio Superior de Música de Vigo Rúa Manuel Olivie, 23, Vigo	<ul style="list-style-type: none"> • Especialidade de Interpretación, nos seguintes itinerarios: Canto, Guitarra, Instrumentos da música tradicional e popular de Galicia, Música antiga (clave, viola da gamba, instrumentos de corda pulsada do Renacemento e do Barroco, instrumentos históricos de corda fretada- violín barroco), Percusión e Vento madeira. • Especialidade de Musicoloxía, nos seguintes itinerarios: Etnomusicoloxía e Musicoloxía histórica. • Especialidade de Producción e Xestión. 		

9. Como podo consultar os resultados ?
<p>Podes consultar os resultados do seguinte xeito:</p> <ul style="list-style-type: none"> ◦ Nos taboleiros de anuncios dos centros educativos. ◦ Na aplicación informática EASP (https://www.edu.xunta.gal/eas).



10. Que fago se obtiven praza?

Debes matricularte segundo as instrucións publicadas na resolución:

- a) Diríxete ao centro de adxudicación no prazo establecido.
- b) Segue as instrucións e cubre os impresos facilitados na secretaría do centro.

IMPORTANTE: Se non te matriculas nos termos e condicións indicados na resolución para a ensinanza artística superior á que solicitaches acceder, implicará que perderás o dereito á praza adxudicada.

Se optas ás ensinanzas artísticas superiores de Deseño contémplanse dúas adxudicacións e dous períodos de matrícula, polo que debes ler con atención as condicións sinaladas para cada caso no anexo III da resolución da convocatoria.